

河套圖志



河套圖志敘

河套沃野千里、畜收蕃孳、明代始守旋棄、後屢議復、迄于無成、然謝永清陝西邊政、楊輝朔方邊紀、鄭汝璧河套圖考、陳質夫河套志、於套地皆殷殷致意、今其書多不傳、道光初、修榆林府志、河套故實、概置不錄、光緒乙未丙申間、先師古愚先生、主講味經書院、曾建河套屯田之議、從游生徒、受命編輯圖志、終未成書、其後貽穀墾晉北蒙地、兼及套中、陝大吏無議及者、蓋百年來無復留意矣、民國五年、寓青門、有以河套故事詢者、乃考其沿革形勢土宜、爲圖志六卷、寫稿既竟、客有過而問曰、昔在周秦、奠都岐雍、漢唐繼之、據渭倚豐、獫狁匈奴、偏近邑京、故詩言薄伐、史紀邊功、新秦朔方、豐勝降城、勞臣猛將、置郡縣以經營、當時固若是其重哉、平夏割據、博碩潛入、氈裘湮酪、華夏易習、攘之者爲已、有棄之者不愛惜、甌脫與石田歟、地利不足恃歟、不然、何再無南蒙衛霍諸人之事業耶、余曰、唯唯、否否、盛衰者一時之常、形勝者千秋之利、時有得失、勢無

6513p42 22.63
 15套圖書 551
 :1-2
 1-2冊

22.63
 551
 :1-2


6513p42

注 意

1. 借書到期請即送還。
2. 請勿在書上批改圈點、折角。
3. 借去圖書如有污損遺失等情形須照價賠償。

也、新疆藏衛中亞細亞、俄英德之角逐場也、居東西之衝、而爲之齊屏蔽陝甘、
援應京師、雄據大河、提攜綏遠、綏遠、甯夏、甯甯、鹽馬富饒、穀殖充斥、環顧西北、無逾之者、
設重鎮以厚其力、改縣治以復其舊、未雨綢繆、時乎時乎、客既退、乃最其語爲
之敘云、民國六年九月、張鵬一識、

變易、昔者漢唐得時而據地勢、故內患雖禁、而外夷帖然、宋明失時而昧地利、故敵氛四逼、而禹域忽焉、河套者周秦以來中外盛衰之樞、互爲強弱之地也、豈惟周秦、今中國關繫正未易言也、以往事徵之、獫狁之伐、匈奴之却、柔然之防、突厥之擒、回紇之降、皆視其地以爲向背、趙宋棄銀夏於西北、元昊守興靈於一隅、故元起幹難、吞王罕、滅乃蠻、下高昌、汪古一部、守隘輸敵、而天德永清、諸城咫尺峙立、無扼項拊背之舉、明祖三征漠北、飲馬臚胸、偉烈盛功、逾越前代、而東勝設衛、膜視套中、中葉以後、東西寇起、九邊騷然、備多力分、社稷遂墟、河套之非等石田、旣明徵如此、今時勢何如乎、歐亞壤接、海防之外、尤爭陸地、北聯蒙臺、南瞰回部、居中控馭、此實要樞、而國防大計、鐵道建築、河套又爲總匯之區、誠以東近京張、可制日之南滿鐵道、北接烏蘇里雅科多、東連恰圖、則遠防西伯利亞、西連新臺、南通藏衛、德之巴達克鐵道、以至波斯、英之印度、波斯鐵道、以通高加索者、河套實具形格勢禁之奇、夫內外蒙古、日之所大欲



河套圖志目錄

序

兩漢圖一

北魏圖二

唐圖三

遼金元圖四

清圖五

後套渠利圖六

建置沿革一


鄂爾多斯七旗

右翼前旗

卽札薩克

右翼中旗

卽鄂套



蘇州府志卷之四



井田

院

蘇州府志卷之四
蘇州府志卷之四
蘇州府志卷之四

蘇州府志卷之四
蘇州府志卷之四
蘇州府志卷之四

河套圖志卷一

疆域沿革第一

富平張鵬一扶萬編

伊克昭盟鄂爾多斯旗

河套南北廣八九百里、首尾或五六百里、三四百里、秦爲河南新秦地、

史記、匈奴傳、秦使蒙恬收河南地、因河爲塞、築四十四縣、水經注、秦逐匈奴、收河南地、徙民以實之、謂之新秦、服虔曰、新秦地名、在北方千里、如淳曰、長安以北、朔方以南也、

漢武帝元朔二年、開置朔方郡、又兼爲西河郡、上郡南境、後漢末、廢朔方郡、晉永嘉後、遞爲前後趙、前後秦地、義熙中、赫連勃勃據此、置統萬城、後魏爲統萬鎮地、後爲夏州北境、隋於其地、東置勝州、西置豐州、唐貞觀中、復置、其南境又置宥州、俱屬關內道、唐末拓跋思恭鎮此、後爲西夏、五代至宋金、皆爲西夏所有、元初、滅西夏、立西夏中興等路、後廢其地、東屬東勝雲內二州、西屬延安寧

隋唐屯墾

清伙盤墾地

後套墾務

水陸交通第五

漢塞道

唐宋塞內外道

清伊盟七旗內外道

套地黃河運道

物產第六

鑛產

動物產

植物產

西北三面皆距黃河自山西偏頭關至甘肅寧夏邊外袤延二千里有奇至京師一千一百里

詳清會典一統志蒙古游牧記

鄂爾多斯七旗曰札薩克台吉右翼前旗與神木接壤曰鄂套右翼中旗曰五勝即武勝烏審右

翼前未旗曰郡王左翼中旗與神本府谷接壤曰準噶爾左翼前旗與府谷偏關河曲接壤曰

杭錦右翼後旗曰打拉忒左翼後旗兩旗遠居後套與五原縣薩拉齊接界

詳定邊縣志

右翼前旗

旗駐套內巴哈池在鄂什喜峯西九十里東西距一百八十里南北距二百七十里東至左翼中旗界西至右翼中旗界南至邊城北至右翼後旗界漢上郡屬縣二十三在套內右翼前旗者曰高望

魏書地形志趙興郡有高望縣爲今甘肅甯州今富平縣有北魏太昌時樊

夏等路、明初、築東勝等城、並立屯戍、天順間、蒙古酋巴賚

明史作

與茂里海、

明史

作毛里孩

等始擁小王子入據河套、小王子被弑、西北諸部、鄂爾綽克等

明史作

與

茂里海互相仇殺、其餘衆別立小王子之支子、爲岱顏汗、

明史作

不復居套、仍

服屬於小王子、其後別部沙嘉阿爾斯蘭

明史作百加斯蘭

與博勒呼

明史作

亦入居

之、成化四年、沙嘉阿爾斯蘭殺鄂爾綽克併其衆、而結元裔滿魯都居河套、稱

汗、九年、爲明兵所敗、滿魯都渡河北去、會沙嘉阿爾斯蘭殺博勒呼、尋亦爲滿

魯都所殺、套地稍寧、成化末、北部復入河套、未幾、火篩據之、嘉靖中、岱顏汗之

子賽音那蘭

游牧記作巴爾蘇博羅特

有子九人、長曰濟農

明史謂

次曰諳達、最強盛、濟農

自套西擊破火篩、居此、自稱車臣可汗、子七人、分有河套地、是爲鄂爾多斯、後

仍屬於察哈爾、其濟農琳沁、於天聰九年

即明崇禎八年

來歸、仍賜濟農之號、令招集

諸部落、順治六年、編爲六旗、雍正九年、又增一旗、共爲七旗、其境東至歸化城

土默特界、

至歸化城二百里

西至喀爾喀界、南至長城界、

即陝北邊牆

北至烏喇特界、東

高五六丈無級可乘南面外土墩七堅硬如石似係臺樓之基北有白土之坡似係宮殿之基北城東西兩角亦有土墩內城東西不及一里南北約一里有餘城南無定河自西南來斜繞城南轉抱東城而東北流丙勦徧訊土人僉稱此城之外懷遠草地別無故城基址查縣西八十里無定河北黑水之南亦無堪建都會地勢疑此卽所謂統萬城也十六國春秋劉衛臣爲西單于屯代來城一統志在左翼界內魏書劉傑傳敕勒新民分徙河西劉傑屯五原河北原安屯悅跋城北以備之通鑑胡注卽代來城魏書地形志赫連屈子所都始光四年爲統萬鎮太和十一年改置大夏領四郡化政開熙金明代名舊唐書地理志隋朔方郡貞觀二年平梁師都改爲夏州都督府天寶元年改爲朔方郡乾元元年復爲夏州在京師東北一千一百一十里唐書地理志縣三朔方德靜甯朔沈韋曰漢朔方縣故城在河水之南太平寰宇記夏州北至黃河八百里參以新唐書地理志城當在夏州

奴子造象有北地郡高望縣、與漢高望縣地勢懸絕、皆僑置之縣也、

曰奢延、有赫連統萬城、有代來城、有北魏夏州、有隋唐朔方郡、有西夏夏州、

水經注、奢延水出奢延縣西南、東北流、逕其縣故城南、王莽之奢節也、清一
統志故城在鄂爾多斯右翼前旗西南、哈柳圖河額圖渾河之間、卽故奢延
城也、水經注、赫連龍昇七年、於奢延水北黑水南、築大城、名曰統萬、今夏
州治也、晉書載記同、何丙勳故統萬城考、道光二十五年、奉檄查統萬城故
址、從縣懷遠縣今
改橫山城外、圍水西渡、出邊牆、又西渡磨姑河、又西渡黑水河、又

西渡無定河、登坡二里許、至舊日相傳之白土城、細加相度、在縣城正西九
十里、所謂在黑水之南者、似未全符、惟去白土城北五十里、有淖泥河、東入
無定河之下流、疑淖泥河、卽古黑水、其地有土城、周圍三里、俱用土築、渡無
定河西行二里許、進頭道城、又西半里、進二道城、又數十步、進三道城、頭二
道城內、但除瓦礫、三道城內、南面西有鐘樓、東有鼓樓、僅存基址、築白土墩、

治朔方縣桑乾都督府治朔方縣界定襄都督府寄治甯朔縣界達渾都督府
延陲部落寄治甯朔縣界安化州都督府甯朔州都督府僕固州都督府均寄
治朔方縣界

寔字記突厥之先平涼雜胡也蓋匈奴別種姓阿史那隋時突利可汗沙鉢略弟

處羅侯子名染干居北方遣使求婚開皇妻以宗女安義公主後為都藍可汗名雍虞閭

所攻染干夜以五騎與隋使長孫晟歸朝拜為意利珍豆啓民可汗上于朔

方築大利城以居之部落歸之甚衆雍虞閭又擊之帝復令入塞遂遷於河

南五原以河為固在夏勝二州之間發役掘塹南北四百里東西距河盡為

啓民畜牧地仁壽元年泥利可汗及葉護俱被鐵勒所敗并奚霫五部內徙

啓民遂有其衆煬帝大業十一年始畢可汗染干子名咄吉甚來朝此後隋亂中國

人歸之者甚衆又更強盛勢凌中夏唐書突厥傳貞觀三年突利始畢嫡子諷利之姪

來奔時降突厥多在朔方之地其入居京師者近萬家詔議安邊之術朝士

北七百里、元和志、但曰在夏城州朔方縣理北、不言相距里數、則以漢城去唐縣不遠、且誤以朔方德靜甯朔等縣皆漢朔方縣地、於是新舊益淆、不知漢城雖在唐夏州界內、而相去甚遠、唐朔方等縣乃漢上郡地、非朔方縣地、宋史地理志太平興國五年李繼捧來朝得州四、夏、銀、綏、宥、縣八、旋授繼捧後不領職方、夏國傳河之內外、州郡凡二十有二、河南之州九、曰靈、曰洪、曰宥、曰夏、曰石、曰鹽、曰南威、曰會、李燾長編太宗時以夏州深在沙漠、本奸雄竊據之地、欲墮其城、遷民於銀綏間、問宰相呂蒙正對曰、自赫連築城以來、頗與關右爲患、若遂廢毀、萬世之利也、李繼隆聞朝議欲墮夏州、遣其弟苑洛使繼和與監軍秦翰等入奏、以爲朔方古鎮、賊所窺覷之地、存之可依以破賊、并請於銀夏兩州南界山中增置堡戍、以遏其衝、且爲內屬番部之蔽、而斷賊糧運、不報、淳化五年詔墮夏州故城、

而唐又有雲中都督府、党項部落、寄治朔方縣界、呼延州都督府、党項部落、寄

可汗賜姓李氏率所部建牙於河北思摩者頡利族人也始畢處羅以其貌
似胡人不類突厥疑非阿史那族類故歷處羅頡利世常爲夾畢特勒終不
得典兵馬武德初數來朝貢封爲和順郡王及其國亂諸部多歸中國唯思
摩隨逐頡利章與王同擒太宗嘉其忠令統頡利舊部落居于河南之地勝
兵四萬馬萬匹錫其土南至大河北至白道川以北接薛延陁種落初思摩
等憚延陁不肯出塞太宗遣司農卿郭嗣本賜延陁璽書曰爾在磧突厥
居磧南各守土境鎮撫部落若其踰越故相抄掠吾卽將兵各問其罪此約
既定非但有便爾身貽厥子孫長守富貴也命禮部尙書趙郡王孝恭齎書
就思摩部落築壇于河上以拜之并賜之鼓纛突厥及胡人在諸州安置者
並令渡河北還其舊部又以左屯衛將軍阿史那忠爲左賢王左武衛將軍
阿史那泥孰爲右賢王以貳之薛延陁聞太宗遣思摩渡河北慮其部落離
附磧北先伏輕騎伺至擊之太宗遣使勅止之時思摩部衆渡河者九十萬

多言突厥恃強擾亂中國爲弊日久矣、今天實喪之、窮來歸我、本非慕義之心、因其歸命、分其種落、俘之兇徐之地、散屬州縣、各使耕織、百萬胡虜、可化爲百姓、則中國有加戶之利、塞北可常空矣、唯中書令溫彥博議、請準漢建武時、置降匈奴于河南五原塞下、全其部落、得爲捍蔽、又不離其土俗、因而撫之、秘書監魏徵奏言、北狄自古至今、未有若斯之破敗者也、若以其降伏、不能誅滅、卽宜遣還河北、居其本土、北狄人面獸心、非我族類、強則盜寇、弱則卑服、不顧恩義、其本情也、彥博又曰、突厥餘魂、以命歸我、我援之護之、收居內地、稟我指揮、教以禮法、數載之後、盡爲農人、選其酋首、遣居宿衛、畏威懷德、何患之有、且光武置南單于于內部、爲漢藩、終乎一代、不有叛逆、太宗竟用其言、於朔方之地、自幽州至靈州、置順祐化長四州都督府、以統其衆、自結社率之反也、太宗始患之、又上書者、多云處突厥於中國、殊爲非便、乃徙於河北、立右武侯大將軍、化州都督、懷化郡王思摩爲乙彌泥敦侯利苾

之謀由唐於夏州城置朔方縣遂謂漢朔方縣卽在此因而夏州之西有三封城、夏州之北有沃野泊矣。元和志、廢宥州在鹽州東北三百里、夏州西北三百里、開元二十六年置寶應以後廢。又調露元年於靈州南界置魯麗含塞依契等州、以處突厥降戶、謂之六胡州、開元十一年康待賓叛、遷其人於河南江湖諸地、二十六年還其餘黨於此、夏州西南長澤縣地置宥州、以寬宥爲名也、後爲甯朔郡、領延恩懷德歸仁三縣、天寶中、宥州寄理經略軍、寶應以後、因循遂廢、由是昆夷党項屢來寇擾、蕃部之人撫懷莫及。一統志新宥州在廢宥州東北三百里、唐書党項傳、天授中內附、戶凡二十萬、以其地爲朝吳、浮歸十州、散居靈夏間、永泰大厯已後、居石州、旋以鎮將之擾、牽部落過河、元和初、復置宥州、護党項、太和中、寢強、數寇掠、開成末、種落愈繁富、賈人齎繒寶鬻羊馬乘其利、彊市之、或不得直、部人怨、相率爲亂、至靈鹽道不通、武宗以侍御史史爲使招定、分三印、以鹽夏長澤屬李鄠、以靈

勝兵四萬人、思摩不能撫、衆皆不愜服、至十七年、相率叛之、南渡河、請分處于勝夏二州之間、詔許之、思摩遂輕騎入朝、尋授左武衛將軍、從征遼東、爲矢所中、太宗親爲吮血、其親遇如此、未幾卒於京師、贈兵部尙書、夏州督都陪葬昭陵、立墳以象白道山、詔爲立碑於化州、

右翼中旂

旂駐套內、正西近南之什刺市、拉克圖池、在鄂勒吉虎泊西南二百六十里、東西距三百二十里、南北距四百八十里、東與北並、至右翼後旂界、西至喀爾喀並界、南至右翼前旂界、漢朔方郡屬縣、在旂內者、曰三封縣、爲朔方郡南境、有北魏夏州長澤縣、有唐廢宥州、有西夏宥州、

漢書地志、元狩三年、城三封縣、水經注、河水東逕三封縣故城、東、沈堯曰、三封故城、元和志有二、一在夏州長澤縣北二十里、一在豐州西一百里、在豐州者是也、漢三封縣在臨戎縣西河外、卽唐豐州永豐縣西河外也、元和志

苦戰倚山訛山訛者橫山羌平夏兵不及也

而漢呼遘縣又在其東焉

左翼中旂

旂駐套內正南近東之鄂什喜峯在札拉谷西一百六十五里東西距一百十五里南北距三百二十里東至左翼前旂界南至邊城界北至右翼後旂界其境爲秦漢上郡北界有漢白土縣兼朔方郡南界唐勝州地也

漢志縣屬上郡水經注圓水出白土縣圓谷東逕其縣南一統志地近今神木縣在左翼中旂南有白土故城

元八白室在其境內盟之名伊克昭所由起也

游牧記蒙古謂大曰伊克廟曰昭伊克昭境內有青吉斯汗園寢札薩克一員專司經理蒙古源流記云元太祖青吉斯汗卒後以輦奉柩至所卜久安之地立白屋八間在阿勒坦山陰哈岱山陽之大謬特地方建立陵寢洪鈞

武麟勝屬鄭賀、皆緋衣銀魚、而功不克。宋使夏國傅元豐五年、沈括請城古烏延城、以包橫山、使夏人不得絕沙漠、遂遣徐禧、李舜舉往議。禧請於銀夏宥之界、築永樂城、永樂依山無水泉、种諤極言不可。禧竟城之、賜名銀川砦。永樂接宥州、附橫山、夏人必爭之地。禧等既城去、九日、夏人來攻、號三十萬、城中乏水、渴死大半。夏兵急攻、城遂陷。禧、舜舉等死、將校死數百人。士卒夫役二十餘萬、帝臨朝悼痛。夏人亦困弊。金史西夏傳、貞祐四年、宣宗與皇太子議伐夏、左監軍陀滿胡土門、延安總管古里甲石倫、攻鹽宥、夏州。又興定四年、元帥慶山奴攻宥州、圍神堆府、穴其城。士卒有登者、援兵至、擊走之。又雍熙二年、賜宥州界畔兀十族首領、都指揮使遇也布等九人勅書、端拱三年、夏州趙保忠言、宥州御泥布羅樹等二族、黨附繼遷、不肯賣馬。臣掩殺二百餘人、擒百餘人、其族卽降。天禧四年、鄜延路又言、宥州羌族臘兒率衆、

剽劫、言詳魏族、金明都監李士彬平之。宋史西夏傳、西夏兵總五千餘萬、而

合寨八白室卽所謂坎鋪赫牢者其地東南距神木縣一百八十里值郡王府南加薩府東新立東勝縣治東南基周三十里四圍沙陀近傍淤泥河蒙古名曰惚幾爾圖溝有陵戶五百家號特爾罕歲三月二十一日爲會期近地王公躬親降灌燕晉秦隴商人駝茶布什物易蒙人牛馬露天列幕亘十餘里歷時七八日始交易而退土人謂之陵寢惟元太祖葬起輦谷據元史所載暨徐霆所見在臚胸河側爲是伊克昭盟八白室則洪氏所云哈老徒地後人以爲祭祀之所是也近人屠氏成吉斯汗陵寢辨證甚詳不備錄

左翼前旂

旂駐套內東北之札拉谷在和坦和碩西一百四十五里東西距二百四十五里南北距二百十里東至歸化城土默特界西至左翼中旂界南至邊城界北至左翼後旂界

漢并州西河郡屬縣在黃河西岸者凡四縣縣在旂地曰富昌隋勝州富昌

元史譯文證補、阿勒坦山、卽鄂爾多斯右翼中旂西北之阿爾布坦山、哈岱山、卽哈魯特山、史謂葬起輦谷、在今賽因諾顏左翼右旂、與鄂爾多斯左翼中旂兩界之交、無疑、據此、則太祖葬地在今榆林府西北河套內外、元初爲西夏地、然考蒙古源流、謂以輦奉柩至穆納之淖爾處所、車輪挺然不動、吉爾根巴圖爾、厯舉鄂嫩、德里哀、布勒搭干、克魯倫等地、而謂汗何戀唐古忒、反、將昔日屬衆蒙古等棄置、言畢、柩徐徐引轉、遂至所卜久安之地、德里哀、布勒搭干、卽秘史之迭里溫、字勒答黑、太祖誕生地也、尋繹其言、太祖必不葬於西夏、張穆引之、其誤顯然、本紀六月、帝次清水縣西、江爲今甘肅秦州境、七月壬午、不豫、己丑、崩於薩里川、哈老徒之行宮、今鄂爾多斯右翼前旂西南、有哈柳圖河東南流、合金河入榆林邊、蒙古名金河曰錫刺烏蘇、史之薩里、與錫刺對音、哈老徒、哈柳圖音合、鄂爾多斯、當是崩地、非葬地、誤以爲園寢、徐霆黑韃事略、霆見式沒真墓、在蘆胸河之側、山水環繞、正與西域書

陝西通志漢元鳳元年匈奴至西河虎猛制虜塞下告欲和親在榆林府北河套中一統志在左翼前旗

又有漢五原郡三縣曰曼栢至唐爲麟州新秦郡宋因之

後書明帝紀永平七年初置度遼將軍屯五原曼栢師古注縣在勝州銀城縣舊唐書地志天寶元年

唐書開元十二年

王忠嗣請割勝州連谷銀城二縣置麟

州其年改新秦郡乾元元年復爲麟州領縣三新秦連谷銀城去京師一千四百四十里宋地志乾德初新秦郡移治吳兒堡五年升建寧軍節度使端拱初改鎮西軍節度縣一新秦

曰南興五代時爲府州宋因之又置豐州與唐豐州異

漢志作南興水經注作南興校注今府谷縣地雲中有北興此作南興府谷縣志縣在北周爲銀城連谷地隋爲榆林富昌金河三縣地唐爲府谷鎮五代唐莊宗以折從阮招回紇建府州於府谷縣宋因之宋地志慶厯元年

縣因之

漢志縣屬并州、水經注涵水又東逕富昌縣故城南、一統志在左翼前旂界、隋地志勝州富昌縣開皇十年置

曰大成、有赫連大成塞

後漢郡國志屬朔方郡、匈奴傳永平六年鄧鴻追擊逢侯於大成塞、通鑑注大成漢縣、魏晉書讀史兵略注大成塞在烏蘭木偷河西、魏書鐵弗傳勃勃與姚興將金洛生姚壽都屢戰於大成

曰美稷、北魏因之

後書南匈奴傳建武二十六年冬詔南單于居西河美稷、一統志左翼前旂東南有美稷故城、閻若璩以美稷爲今汾州府、見困學紀聞十三注、錢坫漢志校注謂在偏關均誤、魏書太武紀延和三年七月行幸美稷

曰虎猛、有制虜塞

上臨河有唐西受降城

水經注、河水又東逕高闕南、又東逕臨河縣故城北、漢元朔三年封代恭王子劉爲侯國、董祐誠曰、元和郡縣志、西受降城、漢臨河縣故理、蓋臨兼有河北地也、故城當在右翼後旂北兩河之間、唐地志、開元初、西城爲河所圯、十年、總管張說於城東別築新城、北三百里有鸛鷀泉、元和志、三受降城、景雲三年、張仁愿所置也、初突厥入寇、朔方軍總管沙叱忠義爲賊所敗、詔張仁愿代之、先是朔方軍與突厥以河爲界、河北有拂雲堆神祠、李益詩、漢將新從、虜地來旌旂、半上拂雲堆、單于每向沙場獵、南望陰山哭幾回、突厥將入寇、必先詣祭醑求福、因牧馬料兵、而後渡河、時默啜盡衆西擊突騎施婆葛、仁愿奏請乘虛奪取漠南地、于河北築三受降城、首尾相應、絕其南寇之路、太子少師唐休璟以爲兩漢以來皆北守黃河、今于寇境築城、恐勞人費功、終爲賊有、仁愿固請不已、中宗竟從之、仁愿表留年滿鎮兵、以助其功、時咸陽兵二百餘人逃歸、仁愿擒獲、盡斬之、軍中股票

元昊陷州地、嘉祐七年、以府州羅泊川掌地、復建豐州、游牧記宋豐州、在今河套東南府谷縣北、非隋唐之豐州也、

右翼後旗

旗駐套內西北鄂勒吉虎泊左、巴爾噶遜泊西、一百七十里、東西距一百八十里、南北距一百六十里、東至左翼後旗界、西至右翼中旗界、南至左翼中旗界、北至鳴刺特旗界、

漢朔方郡屬縣、在旗內者曰朔方縣、魏新興郡朔方縣因之、

漢志朔方郡屬縣十、注武帝元朔二年開、匈奴傳武帝使衛青出雲中以西擊樓煩白羊王於河南、遂取河南地、築朔方城、一統志朔方縣故城在鄂爾多斯右翼後旗黃河東岸、闕咽十三州志匈奴侵邊自定襄以西盡雲中雁門之間遂空、建安中丞相曹公聚荒郡之民以爲縣、於九原界立新興郡、領九原朔方等縣屬并州、

之勝勢也。昔秦不量力，北築長城，右扼臨洮，左馳碣石，生人盡去，不足乘障。兩漢之後，頽爲荒邱，退居河澨，歷代莫進，矯亡秦之弊，則可矣。盡中國之利，則未然。唐興，因循未暇，絕啓有拂雲祠者，在河之北，地形雄坦，控扼樞會，虜伏其中，以窺域中，禱神觀兵，然後入寇，甲不及環，突如其來，鯨一躍而吞舟，虎數步而擇肉，塞草落而邊眈懼，河冰堅而羽檄走，爰自受命，至於中興，國無甯歲。景龍二年，默啜強暴，黷鄰構怨，埽境西伐，漠南空虛，朔方大總管韓國公張仁愿，躡機而謀，請築三城，奪據其地，跨大河以北，嚮制胡馬之南牧。中宗詔許，橫議不撓。於是留及瓜之戍，斬姦命之卒，六旬雷動，三城岳立，以拂雲祠爲中城，東西相去各四百里，過朝那而北，闢斥堠迭望，幾二千所，損費計億，減兵萬人，分形以據，同力而守，東極於海，西窮於天，納陰山於寸眸，拳大漠於一掌，驚塵飛而降火，耀孤鴈起而刁斗鳴，涉河而南，門用晏閑，韓公猶以爲未也，方將建大旆，提金鼓，馳神算，鞠虎旅，看旄頭明滅，與太白進。

六旬而三城俱就、以拂雲祠爲中城、與東西兩城相去各四百餘里、遙相應接、北拓三百餘里、于牛頭牟那山北、置烽墩一千八百所、自是突厥不得度山放牧、朔方無復寇掠、減鎮兵數萬人、唐書盧坦傳、元和八年、西受降城、爲河徙浸毀、宰相李吉甫請移兵於天德故城、坦與李絳叶議、以爲城張仁愿所築、制匈奴上策、城當磧口、居虜西衝、美水豐草、邊防所利、今河流之決、不過退就二三里、奈何舍萬代永安之策、徇一時省費之謀、况天德故城、僻處碣磧、其北枕山、與河絕遠、烽候警備、不相統接、虜之唐突、勢無由知、是無故而蹙二百里、非所利也、事不果行、一統志中受降城、在今烏拉特旂西北、黃河北岸、唐呂溫三受降城碑銘并序、夏后氏遏洪水、驅龍蛇、能禦大菑、以活黔首、周文王城朔方、逐獫狁、能捍大患、以安中區、若非高岸峻防、重門擊柝、雖有盛德、曷觀成功、然則持瑱璣而弛張萬象、吳窮之妙用、扼勝勢以擒縱

永裕後昆

曰臨戎、而北周五原郡之永豐鎮、隋豐州之五原郡縣、唐豐州之九原郡縣、卽其地也。

漢志、元朔五年城、水經注、河水東北徑三封縣故城、又北徑臨戎縣故城西、閼若璩曰、水經注云、舊朔方郡治臨戎、指東漢時也、董祐誠曰、後漢末縣廢、南人謂之賀葛真城、城當在鄂爾多斯右翼後旗西界內、與三封縣隔河相望、元和志、周保定三年、置永豐鎮、本漢臨戎縣地、隋地志、郡統縣三、九

原

卽甘
草城永豐

卽永
豐鎮

安化、元和志、開皇三年、於周永豐鎮、置豐州、通典、煬帝初、州

廢置五原郡、煬帝紀、大業四年、車駕幸五原、因出塞巡長城、一統志在右翼後旗界、舊唐書地志、貞觀四年、以突厥降附、置豐州都督府、不領縣、唯領藩戶、天寶元年、改爲九原郡、乾元元年、復置豐州、領九原、永豐二縣、在京師北二千二百六十里、

退小則貢琛、受厥角、定保塞一隅之安、大則倒狼居、竭瀚海、空苦寒萬里之野、大略方運、元勳不集、天其未使我唐無北顧之憂乎、厥後賢愚迭任、工拙異勢、剛者黷武、柔者敗律、城隳險固、寇得凌軼、或驅馬飲河而去、或控弦俾壘而旋、吾知韓公必不瞑目於地下矣、今天子誕敷文德、茂育羣生、戢兵和親、七狄右衽、然而軍志有受降如敵、大易有安不忘危、崇墉言言、其可弛柝、亦宜鎮以元老、受之廟勝、劇述舊職、而恢遺功、外勤撫綏、內謹經略、使其來不敢仰視、去不敢反顧、永讐猛氣、無生禍心、聳威馴恩、禽息荒外、安固萬代、術何加焉、敢勒銘城隅、庶儆復隍、而光烈不昧、銘曰、韓侯受命、志在朔易、北方之強、制以全策、亘漠橫塞、揭茲雄壁、如三鬪龍、躍出大澤、並分襟帶、各閉風雷、俯視陰山、仰看昭回、一夫登陴、萬里洞開、日晏秋盡、纖塵不來、時惟韓侯、方運神妙、觀釁則動、乃誅乃弔、廓乎窮荒、盡日所照、天乎未贊、不策清廟、我聖耀德、罷局北門、優而柔之、用息元元、曷若完守、推亡固存、于襄于夷、

水經注河、水東逕沃野故城南、又北迤西淪於窳渾、故城東董祐誠曰、在今鄂爾多斯右翼後旂西北、河外勝、格里鄂謨之西、

曰渠搜

一統志、故城在故朔方城東、渠搜見於禹貢、魏晉以前、皆目爲朔方地、水經注、河水自朔方東轉、逕渠搜故城北、禹貢之所謂渠搜矣、漢書武帝紀、周之成康、北發渠搜、疑窳渾以北、溢出之南北河、禹時或已釀爲渠、渠搜所由名也、禹貢鎮指、渠搜在廢夏州北、董祐誠曰、在今榆林府西北、鄂爾多斯右翼後旂之東、接左翼後旂界、

左翼後旂

旂駐套內東北之巴爾哈遜湖、在黃河帽帶津西一百四十里、東西距二百八十五里、南北距一百五十里、東至歸化城土默特界、西至左翼中旂界、南至左翼前旂界、北至烏喇特界、秦固陽在旂之東北、漢爲五原郡、稠陽縣、後魏爲稠

日廣牧在周隋時爲甘草城

水經注河水東逕臨河縣南又東逕廣牧城北一統志在故朔方城西校注地理志在鄂爾多斯界內黃河南岸元和志本漢廣牧縣地其城周隋間俗謂之甘草城

日沃墜北魏時爲沃野鎮

漢志元狩三年城水經注河水東逕臨戎縣故城西又東逕沃墜故城南校注地理志在今甯夏府東北黃河東董祐誠曰在鄂爾多斯右翼後旂西境廣牧臨戎二縣間魏書孝文紀元年沃野統萬二鎮勅勒叛滅之元和志沃野鎮故城在天德軍城北六十重後魏時六鎮從西第一鎮也盛朝勳唐述山房日錄據薄骨律鎮將刁離表言可斷魏初置沃野鎮在漢舊縣據元和志可斷後移河北矣

至於和陽、塞外、魏書同、太武、太和元年七月、由於和陽、二年、行幸、種地、形、陽志、失載、

西曰臨沃

水經注、河水東逕副陽城南、又東逕臨沃縣南、一統志、在故九原城東、董祐誠曰、二漢志縣屬五原郡、漢未廢、當在烏喇特旗東南、接歸化城土默特旗、蘇爾哲河、

曰河陰

水經注、河水東逕副陽城南、又東逕河陰縣故城北、董祐誠曰、在鄂爾多斯左翼後旗界內、

秦榆中、在旂南境、兼有漢唐雲中勝州之地矣、

史記始皇本紀、三十三年、西北斥逐匈奴、自榆中、並河以東、屬之陰山、以爲三十四縣、城河上爲塞、三十六年、遷北河榆中三萬家、正義曰、北河勝州也、

陽塞

史記六國表、秦孝公十一年、魏鞅圍固陽、降之、魏惠王十九年、圍長城、塞固陽、漢志、由稠陽北出石門障、得光祿城、又西北得支就城、又西北得頭曼城、又西北得庫河城、又西得宿虜城、後漢書和帝紀、永元二年、竇憲耿秉出朔方雞鹿塞、南單于出滿夷谷、鄧鴻出稠陽塞、皆會於涿邪山、一統志、稠陽故城、在五原郡東北、近雲中郡、山西通志、稠陽有三、史記、魏惠十九年、築長城、塞固陽、爲魏上郡地、在今河套內、漢志、五原郡東部都尉治稠陽城、爲秦九原西境、在今烏刺忒、去薩拉齊廳頗遠、若水經注所舉之稠陽縣、則確在廳境、酈注又云、河水又東流、石門水注之、水出石門郭、卽此山也、河水又東、逕稠陽故城南、王莽之固陰也、地理志曰、自縣北出石門障、河決其西南隅、又東南枝津會焉、董祐誠曰、漢志屬五原郡、後漢省、當在今薩拉齊西境、

經通峯南雲字記東坡本漢雲中州地在榆林縣東北八里今屬振武節度
唐志單于大都護府本雲中都護府麟德元年更名領金河一縣舊書志
振武軍在單于都護府城內遼志後唐莊宗以兄嗣本爲振武節度使太
祖神冊元年伐吐渾還攻之盡俘其民以東唯存鄉兵三百人防戍後更爲
縣又遼志東勝州武興軍下刺史唐貞觀五年於南河地置決勝州故謂
此爲東勝太祖破振武州廢晉割代北來獻復置兵事屬西南招討司統榆
林河濱二縣一統志州與隋唐勝州相近但隔河耳金志州有古東勝城縣
一東勝鎮一寧化元志唐勝州張仁愿築三城東城南直榆林後以濱河
徙置綏遠峯南今東勝州也金初屬西夏復取之至元時省寧邊之半入焉
明史韃靼傳河套古朔方郡唐張仁愿築三受降城處也地在黃河南自
寧夏至偏頭關延袤二千里饒水草外爲東勝衛東勝而外土平衍敵來一
騎不能隱明初守之後以曠絕內徙方輿紀要東勝州明初改建東勝左右

榆中今勝州榆林縣

又南有漢雲中郡沙南縣蘭池城、北魏爲銀城縣、隋唐爲勝州榆林郡、唐東受降城、卽在榆林郡榆林縣之東北八里、振武軍單于都護府同駐其地、今之包頭鎮是也、遼爲振武縣、而遼金元之東勝州、明之東勝衛、清之東勝廳、皆在其地、

水經注、河水東過雲中、楨陵縣南、又東過沙南縣北、禹貢雖指沙南縣、在西岸、榆林塞外、唐爲勝州地、後書順帝紀、陽嘉四年、烏桓寇雲中、圍度遼將軍耿曄於蘭池、注、續漢志、沙南縣有蘭池城、元和志、後魏銀城縣、本漢沙南縣地、隋志、開皇二十年、置勝州、大業初、置榆林郡、統榆林、富昌、金河三縣、唐志、勝州領榆林、河濱二縣、通典、勝州東至河四十里、北至河五里、一統志、在左翼後旗界、隋唐勝州、在套內東北、瀕黃河、屈南流處、與遼金東勝州相近、但、曷可耳、唐志、寶曆元年、振武軍節度使張惟清、以東城賓河、徙置

旂、東西距二百十五里、南北距三百里、東至茂明安及歸化城土默特界、西與南、並至鄂爾多斯界、北至喀爾喀界、清天聰七年、蒙古溫布達爾漢、偕圖巴鄂寶等、舉部降、編前後中三旂、卽今後套地、在黃河北、

秦爲九原郡、當戰國時、地屬趙、魏竹書紀年、魏襄王十七年、命大夫奴於九原、史記、趙世家、趙主父西北略地、欲從雲中九原、直南襲秦是也、漢爲九原縣、屬五原郡、北魏縣因之、遼金時爲雲內州、清光緒季爲五原廳、

水涇注、河水東逕九原縣故城南、秦九原郡治此、元和志敬本故城、在中受降北四十里、賈耽古今述曰、以地理求之、前代九原郡城也、董祐誠曰、當在今烏喇特旂東南境、一統志、九原故城、在漢朔方之東北、今套北黃河東流處、唐勝州在套內東北、九原直其西北、卽陰山、又北爲光祿塞、西卽北假秦漢號爲絕塞、隋唐豐州、雖亦名九原五原、乃漢朔方郡地也、全祖望地理志

二衛兵民皆耕牧河套中、洪武二十六年城、正統三年、邊將周諒言、東勝州廢城、西濱黃河、東接大同、南抵偏關、北連大山、榆楊等口、中有赤兒山、東西坦平二百里、其外連亘官山、若屯軍此城、則大同右衛淨水坪、偏頭關、水泉堡、四處營堡、皆在其內、可以不勞戍守、非惟可捍蔽太原大同、亦所以保障延安綏德也、時不用、山西通志、此城當在紅山間、托克托清水河兩廳界之、胡坦和碩、蒙古語、胡坦城也、和碩隅也、當緣舊城而名、清光緒三十四年、山西巡撫寶芬奏稱、晉邊界郡王札薩克兩旗、墾務日興、民蒙待治、應於兩旗適中之地、板豪素地方、設理事通判一員、該處爲前明東勝城、卽名曰東勝廳、今爲縣、屬綏遠城、曾忠襄奏議、光緒六年正月、上扼要設防疏曰、歸綏迤西草地、可達新疆、商賈販運出口、必須取道包頭、卽北往恰克圖、西往烏魯木齊、亦由包頭經過、其地在歸化綏遠兩城之西北三百餘里、背負大青山、最爲險要、三、四十年前、邊境不靖、常用重兵屯紮云、

陰縣故城北、又東逕九原縣故城南、秦九原郡治此、閻若璩曰、秦九原郡、漢五原郡、皆治九原縣、太年御覽麟州下、引晉太康地志、自北郡北行九百里、得五原塞、漢光祿徐自爲出五原塞數百里、築城鄣列亭至臚胸山、卽今縣北光祿塞也、

漢五原縣、又在九原西北、後魏書紀傳、屢言五原、而爲郡爲縣、地形志不載、然其地近沃野鎮、爲防蠕蠕西犯要地、正光以後、爾朱亂政、無暇邊事、而西北嚴、視秦漢當日九原五原作郡、未多讓也、

水經注、九原縣西北、接對一城、蓋五原縣故城、其城南面長河、北背連山、一統志、在故九原城西、董祐誠曰、在今烏喇特旂東、近茂明安旂界、後書西羌傳、桓帝延熹二年、燒當八種寇隴右、以段熲爲校尉、將兵及湟中義從羌一萬二千人、擊破之、會段熲坐事徵、羌遂陸梁、覆沒營塢、復遣熲擊之、西羌弭

稽疑九原始皇置漢五原又分朔方三十三年蒙恬闢河南地四十餘縣蓋以四十餘縣置九原何以知之徐廣所謂陽山在河北陰山在河南者劉昭以爲俱屬九原之安陽則九原統屬河南四十四縣可知矣不然不應以四十四縣之多而不置郡也

漢五原郡轄十六縣內固陵文國蒲澤武都莫點各縣今莫知所在河陰一縣地列套內餘九原五原各縣大半分布套外今茂明安烏喇特兩旗地漢郡北出長城得塞外石門郭光祿徐自爲城當時命將出師武帝天漢六年韓說出五原元鼎六年太僕公孫賀出九原後書烏桓傳與鮮卑南匈奴寇五原戰于九原高渠谷發謫屯戍武帝天漢元年發謫永平七年募郡國中郡官死四屯五原朔方邊縣款塞受降宣帝甘露二年光武帝建武二十二年匈奴款五原塞願奉國珍朝皆以其地爲樞要後漢郡領九原五原臨沃宜梁曼栢成宜安陽文國河陰武都凡十縣餘省

漢書郡國志卷十六即案九原郡武帝元朔二年更名屬并州清會典烏蘭察

開元二年治中受降城十年徙治豐勝二州境十二年徙治天德軍領陰山通濟二縣舊書地理志北至陰山七里至回紇界七百里去京師二千七百里在黃河之北一統志唐時都護府遷徙不常通典元和志詳略不同大約易名者六而天德軍爲最著遷治者十而大同川爲最久唐書地理志鎮北大都護府領大同長寧二縣元和志本安北都護府景龍二年移理西受降城開元十年移理中受降城天寶八年張齊丘又於可敦城置橫塞軍又自中受降城移理橫塞軍十二年安思順於大同川西築城置軍玄宗賜名大安軍移軍理焉乾元後改爲天德軍居人稀少遂西南移三里權居永清柵其理所又移西受降城元和八年黃河泛溢城南面毀壞平章事李吉甫以天德舊城在西城微南一百八十里其處見有兩城本是永清柵卽隋氏大同城舊理去本城約三里以下城甚牢小周回一十二丈天寶十二載安思順所置其城居大同川中當北戎大路南接牟那山南有麥泊安思順郭

定而東羌先零等既降復叛、頽曰、羌所餘三萬餘落、居近塞內、久亂并涼界、侵三輔西河上郡、已各內徙、安定北地復至單危、自雲中五原西至漢陽二千餘里、匈奴種羌並擅其地、如不加誅、轉就滋大、靈帝建寧二年、東羌悉起、五原郡地、唐時有中受降城、有安北鎮、北兩大都護府、又有天德軍、五代暨遼金均仍之、而遼金元又有雲內州之置、

唐志、城有拂雲堆、又有橫塞軍、可敦城、天寶八載置、西二百里、大同川有天神軍、大同川西有天安軍、乾元後、徙屯永清柵、故大同城也、元和九年、李吉甫奏修復舊、北有安樂戍、元和志、本秦九原郡地、漢武帝元朔二年更名五原、開元時置安北大都護府、敬本故城、在中城北四十里、鄭虔軍錄曰、時人以張仁愿河外築三城、自古未有、今敬本城周一萬八百七十二步、壕塹深峻、亦古之堅守、賈耽古今述曰、以地理求之、前代九原郡地也、唐書地理志、安北大都護府本燕然都護府、龍朔三年、曰瀚海都督府、總章二年更名、

祚怒誅之。三年，駐蹕雲內州南。四月，金兵圍輜重於青冢硬寨，上遁雲內。四年，天祚以耶律大石兵歸，又得陰山室韋謨葛失兵，自謂得天助，再謀出兵，復收燕雲。大石諫阻不聽，率所部西去。上率諸軍出夾山，下漁陽嶺，取天德、東勝、寧邊、雲內等州，南下武州。遇金人戰於奄遏下水，復潰，直趨山陰。五月，越天德，過沙漠，金兵忽至，上徒步出走，至天德。遼史地理志：雲內州本中受降城地。清甯初，升開遠軍有威塞軍。古可敦城，大同川。天安軍，永清柵。安樂戍，拂雲堆。統柔服甯人二縣。金史地理志：西京路大同府豐州下。天德軍節度使。皇統九年，升總管府，置西北路招討司，以天德尹兼之。大定元年，降天德軍節度使，統富民縣一，振武鎮一。宋史夏國傳：先是金人滅遼，黏罕使撒母使夏國，許割天德、雲內、金肅、河清四軍，及武州八館地，約攻麟州，以牽河東之勢。靖康元年三月，夏人由金肅、河清渡河，取天德、雲內、武州、河東。

子儀本築此城、擬爲朔方根本、其意以中城、東城、連振武爲左翼、又以西城、豐州、連定遠爲右臂、南制党項、北制匈奴、誠良久之規、屬祿山有事、爲賊將宋星星所破、遂移天德軍、永清柵、別置理所於西城、只緣添兵未得、且因循併在一處、力所不足、實非遠圖、於是復移天德軍、理所於舊城焉、唐書、郭子儀傳、累遷單于副都護、振遠軍使、天寶八載、木剌山始築橫塞軍、及安北都護府、詔卽軍爲使、俄苦地偏不可耕、徙築永順、號天德軍、全祖望、五代天德軍建節始末曰、五代史、唐本紀、大順二年、克用攻雲州、圍之百餘日、赫連鐸走吐渾、天德之歸於晉、蓋在是時、若天德之陷於契丹、則在莊宗時、遼史太祖本紀、神冊五年、略地天德、節度使宋瑤降、更其軍曰應天、瑤復叛、拔其城、擒瑤、俘其家屬、徙其民於陰山南、蓋在莊宗并梁之前三年、遼史地理志、天德軍本中受降城、唐乾元中、由大同川移永清柵、今治是也、遼平党項、以國族爲節度使、有黃河、黑山、洛、盧城、威塞軍、秦長城、唐長城、牟那山、鉗觜城、

水經注、河水東逕宜梁縣故城南、十三州志、故城在五原縣西南六十里、今世謂之石厓城、

曰成宜

水經注、河水又東逕成宜縣故城南、一統志、在故九原城西、禹貢錐指、在廢豐州界、

曰西安陽

水經注、河水東南逕朔方縣故城東北、屈南過五原、西安陽南、一統志、在故九原城西、禹貢錐指、在廢豐州東北、何焯曰、汝南有安陽、故此加西、代郡加東也、後漢郡國志、西安陽北有陰山、董祐誠曰、自西安陽以下、田辟城、九原縣、成宜縣、原亭城、宜梁縣、稠陽縣、當並在今烏喇特之南、大河之北、東西相列、

曰河目、北假在焉、漢代屯田要地也、

八館地、四月、陷震威城、兵馬監押朱昭死之、繼而金貴人兀室、以數萬騎陽爲獵、掩至天德、逼逐夏人、悉奪其地、金史西夏傳、天輔六年、金破遼兵、遼主走陰山、夏將李良輔將兵三萬救遼、次天德境、幹魯婁室敗之於宜水、追至野谷澗、水暴至、漂沒者不可勝計、宗望至陰山、與夏議和、又初以山西九州與宋人、而天德遠在一隅、緩急不可及、割以與夏、後破宋都、獲二帝、乃畫陝西分界、復分陝西北鄙、以易天德雲內、以河爲界、金史地理志雲內州統柔服、^{夾山在城}北六十里里、雲川二縣、本曷董館、後升裕民縣、旋廢、大定時復更今名、元史地理志、雲內州卽唐中受降城地、金時州領雲川柔服二縣、元初廢縣入州、孛羅帖木兒傳、至正十九年三月、詔孛羅帖木兒移兵大同、置大都督兵農司、專督屯種、以孛羅帖木兒領之、當月領兵豐州雲內、與關先生戰、關軍奔潰、

又有漢五原郡領縣曰宜梁

富平張鵬一扶萬編

河套外諸山

套地平衍、沙漠互互、鹽池鹼泊外、黃河三面、陰山千里、秦漢戍守或壘石爲塞、或高闕蔽天、蓋皆禦敵于境外、防變于未形、誠善用山川形勢哉、明守榆谿、緣邊築堡、蹙地示弱、備禦不暇、難言山川險隘之用矣、今以套外諸山考之、其著者惟陰山、漢時在西安陽縣北、唐時在中受降城東北、侯應所謂自北塞至遼東外、東西千餘里是也、今蒙古名噶札爾和碩山、陰山又有陽山之名、以黃河地望別之、蒙古謂之洪爾戈山、

明九邊考、自陰山而北、皆大磧、磧東西數千里、南北亦千里、無水草、不可駐牧、中國得陰山、乘高而望、寇出沒蹤蹟、皆見、爲禦邊要地、禹貢錐指、陽山卽陰山也、在中國極北、故名陰山、在河水之北、故亦謂之陽山、

水經注、河水自臨河縣東逕陽山南、南逕河目縣左、括地志、河目故城在北假中、董祐誠曰、在今烏喇特旂境大河之東、史記匈奴傳、蒙恬度河、據陽山北假中、水經注、河水南屈逕河目縣、在北假中、北假地名也、自高闕以東、夾山帶河、陽山以往、皆北假也、董祐誠曰、自阿爾坦山迤東、至烏喇特南、皆古北假也、

東夷其山中、陰山、唐書裴行儉傳、調露元年討突厥、賊衆於黑山拒戰、行儉頻戰破之、郭知運

祐誠曰、史記正義引括地志、臨戎縣北有連山、俗名高關、又東有黑山、亦陰山之別、唐裴行儉、郭知運、石雄曾于其地先後破突厥、山又名殺胡、在今歸化城土點特界、蘇拉木倫河東、

唐書裴行儉傳、調露元年討突厥、賊衆於黑山拒戰、行儉頻戰破之、郭知運傳、開元四年突厥降戶叛、知運領朔方兵邀擊于黑山呼衍谷、大破之、通鑑武宗會昌三年、石雄破回鶻于殺湖山、讀史兵略注、殺胡山卽黑山、

陰山左近有木根山、北魏道武帝嘗幸其地、而北周之木賴山、疑同一山也、晉書載記、苻堅建元元年、鄧羌討劉衛辰、擒之於木根山、讀史兵略注、山在五原迤西、周書突厥傳、魏廢帝元年、突厥科羅破鄧叔子於沃野北木賴山、陝志、謂在靖邊縣北套內非是、

套內諸山、在右翼前旂界內、曰達爾巴哈岡、在旂西十里、曰賀終圖山、一名回

陰山之南、有牛頭牟那山、唐張仁愿于山立烽候一千八百所、備匈奴、其山又名朝那山、蒙古名鷄鹽陀羅海、

說詳唐書張仁愿傳

朝那迤東、有漢石門障、古入匈奴大路也、以光祿徐自爲於其地築城、故又謂之光祿塞、

漢書匈奴傳、太初三年、光祿徐自爲出五原塞、數百里、遠者千里、築城障、列亭至廬朐、注廬朐山名、地理志、綏陽縣北、石門障得光祿城、水經注、石門水出石門山、山在舊臨沃縣境、

南有高關、趙武靈王以之爲塞、而衛青將十餘萬、伐匈奴所從出也、然唐人云、關在漢臨戎縣北、則東西懸絕、疑古時地兼東西、故近人寄屠以今包頭鎮、當漢高關塞也、

又漢書、趙武靈王既襲胡服、自代並雲山下、至高關爲塞、山下有長城、連山

大城起於城右豐州東北九十里當有誤此堆近唐豐州也卽越沒濩與宋豐州在今府谷縣北境百十五里套內者不同餘詳一統志

其在左翼中旂界內者曰鄂錫喜峯突起平地札薩克所駐也曰額勒蘇特烏蘭陀羅海在旂西南六十里曰噶該陀羅海在旂東北九十里曰滿夷谷漢南單于用兵之地一統志云當在旂東六七十里哈楚爾河北界也

後書寶憲傳南單于出滿夷谷讀史兵略注南單于庭在西河美稷後鄧鴻討逢侯兵至美稷逢侯乘冰度滿夷谷可知在美稷西北

其在左翼前旂界內者曰沙角山曰暖泉山曰得石峯均在旂西五六十里三秦記河西有沙角山峯嶸危峻逾於石山其沙粒粗色黃如乾糲山陽有泉名沙井綿歷今古沙不填之九域志豐州西五十里至沙井嶺又暖泉山在州西北三十七里一統志得石峯在旂西北六十里

曰賀陀羅海在旂北一百里曰夾山在旂東南六十里蒙古名和岳爾哈刺陀

河套圖志
回墓在旂西南一百八十里、奢延水出焉、當卽古契吳山、赫連勃勃所登臨也、而唐朔方縣之木瓜嶺、明李珍擣套寇之馬良山、似皆在其地、

十六國春秋、勃勃北遊契吳、歎曰、美哉、臨廣澤而帶清流、吾行地多矣、自馬嶺以北、大河以南、未之有也、

曰巴音山、曰錦屏山、均在旂西南三百里外、其在正南者曰恩多爾拜山、曰蘇海、阿魯山、去旂三百餘里、曰總柴山、在旂東南一百四十里、蒙古名摩多圖、

詳一統志

其在右翼中旂界內者、曰色爾綳哈刺山、曰阿爾布斯山、在旂西北二百里至一百餘里不等、惟邵隆山去旂二十餘里、

詳清會典

在右翼後旂界內者、曰馬陰山、在旂西北四十里、與塞外陰山名同而山異、曰
或受非、鄂爾吉虎泊所在也、

甯夏府東南境之橫城堡、西當長城斷處、又東北出邊、爲河套、鄂爾多斯兩翼六旂地、

水道提綱、自橫城堡以北、爲右翼中旂西境、其東岸爲甯夏境、以河爲界、黃河東北流、有大小托蘇圖河、出旂中_右南、西流匯爲博木泊、西北流注之、又東北經旂中_右西、循阿爾布山、色爾綳哈刺山西麓、至白塔東、稍曲折北流、歧爲二派、一東北流、經後旂右翼西北境、一北流、注騰格里泊、古窳渾之屠申澤也、哈爾哈納河出其西北、合三水南流、折東注之、

水道提綱、騰格里泊、東西甚長、自西南迤向東北、周百餘里、

又從泊東北出、會北來之阿爾坦河、

俗名哈屯河

又東北爲庫庫泊、折而東流、其東

流之正派、亦自南來合、

水道提綱、河自甯夏東北、至此始折、共六百餘里、其北卽陽山、西卽高闕

說見

羅海、遼天祚失國、東入夾山、疑卽此山也、曰薛林山、拔鄰山、紇那山、皆北魏用兵之地、今不能確指也、

魏書明帝紀、泰常四年、帝從君子津西渡、大狩于薛林山、又太武紀始光四年、西討赫連昌、濟君子津、次拔鄰山、又蠕蠕傳登國六年、討蠕蠕、縕紇提西遁、魏主追至跋紇那山、縕紇提降、陝志、諸山皆在府谷縣北套內、餘詳游牧記、

其在左翼後旂界內者、曰巴哈伊克二翁袞岡、在旂南四十里、曰哈錫拉克陀羅海、在旂西南百四十里、接左翼中旂界、曰察罕拜圖二陀羅海、在旂西百三四十里、曰託託克陀羅海、在旂東百十里、漁河水所出也、曰退諾陀羅海、在旂東南百四十五里、

詳一統志

陶兒昆兌河、布爾哈蘇台河、喀賴河、西都爾虎河、並北流注之、其北岸大者曰
昆都侖河、卽哈刺木倫也、原出毛明安界內、又東經左翼後旗北、其北岸爲山
西薩拉齊廳界、又東折東南、其東北岸爲山西托克托廳界、南岸有虎蘇台河、
折格蘇河、合而東北流入河、

水道提綱、大土爾根河、卽古白渠、荒干水、亦曰金河、源出殺虎口外鑲藍旗
察哈爾東北七十里、哈刺蘇台坡、名哈刺烏蘇、至歸化城、南有巴哈土爾根
河、卽小黑河也、

黃河又屈曲、西南經左翼前旗東、其東岸爲山西清水河廳偏關縣界、又西南
爲山西河曲縣界、折南入陝西府谷縣界、此爲出套河、

套地西自甯夏北、折蘇圖河、入大河處、東至大河冒帶渡口、共八百十里、爲
鄂爾多斯左右翼六旗地、

前
又北則大漠也、東折處、當阿爾坦山之南、

正派東北流、經右翼後旂西北六十里、又分爲二、一南支東流、一北支北流、八
十里、又分爲二、一北與庫庫泊東北流會、一東南流、南北地百餘里間、三渠並
東流二百六十里、經後旂北境、卽古朔方河南地也、最北一派、中分後合、東至
噶札爾和碩山南、大漠得兒山西南、始折東南流、又分而合、復分而東南、共百
三十里、至吳刺忒旂西之墨爾楚克和碩山北、始折而西南流、北派復自西來
會、又西南至几爾哈卽圖南、南派亦自西來會、三派復合、

水道提綱、古稱南河北河、今則三支分合如織、河北岸最高者曰翁金朔龍
山、曰巴爾哈山、曰噶札爾和碩山、曰洪戈爾山也、皆吳刺忒旂西北境、
東南流五十里、折而東流、經右翼後旂北、吳刺忒旂南、

水道提綱、古五原郡又三受降地、今惟北岸有巴爾朱罕城址、在二几圖嶺

地志羅穀縣之武澤也、後漢書注作虎澤、永初三年、梁懂耿种攻南單于虎澤是也、又名紫淵、見上林賦、一統志、哈楚爾河、在旂西八十里、源出哈楚爾坡西平地、西南流、合紫河、流入神木縣、爲屈野河、一統志布哈河、在左翼前旂西南三十里、源出博羅巴爾哈孫東平地西南流、會紫河、舒輝河、在旂西八十里、水道提綱、屈野河源出河套鄂爾多斯左翼中旂、曰臺石坡東南流、出左翼前旂東南境、與東來之哈楚爾河布哈河會、南流二百餘里入、邊城大川口、有小水東北來會、折南流、經神木縣城西、又南折東南流五十里、又東南流百里、有禿尾河、西北自鎮川台流入邊城、經栢林堡北、又東南流百三十里、東流來會、又東南有一水自西來會、又南至府谷縣屬之沙卯頭、入黃河、

清水河亦出右翼前旂東南境、南流合三岔河入榆林縣界、至府谷縣東入黃

水道提綱、冒帶渡在歸化城西一百九十里、西北爲湖灘河、卽古君子津、在歸化城西南一百九十里、爲黃河東岸、

河至府谷縣界黃甫川、出左翼前旂南境、東南流、亦入府谷縣境、

府谷縣志、黃甫川、一名石門水、出石門山、俗以爲黃甫川、自塞外牛武城南、逕黃甫營邊牆入口、南流至縣東楊家川口入黃河、

九股河出左翼前旂西南境、東南流入神木縣界、入于河、

神木縣冊、九股河、一名孤山水、在神木西南、源出邊外、九源並導、合爲一流、東南流入邊牆、又東流三十里入黃河、一統志、左翼前旂西南一百四十里、有博羅哈爾几圖河、同旂西南之獐河、入邊城、卽府谷縣之九股水、

烏蘭木倫河、出左翼中旂東境、合一水南流、又南哈楚爾河、合一水西南流、注之、又南折東布哈河、合舒輝河、西南流注之、又會東南流、亦入神木縣界、爲屈

脂縣城西南折而東南流至綏德州東南入河
河套地多池澤套外庫庫泊活魚兒泊套內博木泊已見前鄂爾吉虎泊一名
烏蘭池古越沒濼也在右翼後旂西南爲西刺木倫河北流所匯在黃河分支
折向東處之東百餘里古朔方郡地

游牧記鄂爾吉虎泊杭錦札薩克所駐一統志池西六十里有古爾班崇圖
池因有三池故名

有哈刺莽乃泊套中鹽池也漢爲朔方縣金蓮鹽池唐爲長澤縣胡洛鹽池也
在右翼後旂東南周三十里又東南爲錫拉布里多泊托來烏蘭二水瀦焉

見清會典

左翼後旂西南有納馬代泊喀錫刺喀河北流瀦焉巴爾哈泊在其西坎台河
東北流瀦焉錫都拉虎河又在其西札薩克所駐也又東百十里有捕魚泊蒙

河、

蒙古河套圖、清水河、蒙古名烏免高兒、發源處俗稱五浪五素溝、

哈柳圖河、一名吃那河、卽古黑水、出右翼前旂東、今之小水、東南流、錫拉烏蘇

河、一名金河合納林河、一名細河東南流注之、他克拉布拉河合二水南流注之、又東南

經邊城外額圖渾河、卽奢延水、一名生水、又名朔水、出旂西南、賀通圖山、合二

小水、東北流注之、是爲無定河、經懷遠縣、今名山東南、流至綏德州境、凡七百里

入黃河、

水道提綱、無定河有二源、西源曰額圖渾河、東入懷遠、今橫山縣邊城爲恍惚都河、

又折東北至波羅營、與北來哈柳圖河會、海留圖卽東源、古黑水也、東南入

榆林邊、于波羅營北、而西源來會、又東南經榆林南境、有榆溪西河、北至榆

林城西、東南流來會、榆溪西河源、曰清活河、潛出右翼前旂南平地、南流、曰

林城、東南流來會、榆溪西河源、曰清活河、潛出右翼前旂南平地、南流、曰

兔今神木番鹼所產也

神木鄉土志、苦水池、凡二、一東諾爾、周十餘里、同治九年提督宋慶破回子于札薩克莽蓋兔卽此、一西諾爾、周四十里、面徑十三里、兩池相距八里、光緒末、以教案賠款、租于神木鹼廠、詳物產門、

泊在右翼中旂界內者、有大藍上魯池、有彬草湖、有神水灘、有特黑圖池、

一統志大藍上魯池、在旂西北四十二里、彬草湖、陝志在靖邊縣寧塞堡西、北套內、神水灘、在縣東北套內、榆林府冊、灘周百餘步、旱澇無減、游牧記、特黑圖池、在旂南百十里、

古名折葛蘇台、又東北四十里、有蒲泊、蒙古名呼魯蘇台、均一水東北流瀦焉、右翼前旂界內、巴哈泊、在榆林北二百三十里、札薩克所駐也、有通哈拉克泊、通哈拉克河、自靖邊縣北來瀦焉、

一統志、通哈拉克泊、蒙古又名烏楞諾爾、又名紅鹽池、又名青山湖、明成化時、總督王越敗套寇于紅鹽池、卽此、在旂西南三百里、榆林衛志在衛西北三百五十里、按定邊縣志云、靖邊縣鹽場堡北套內、有大鹽池、周八十里、狗池、周二十里、倭波地、周八里、明人又謂之鍋底池、當卽通哈刺克泊也、有長鹽池、葫蘆海、大鹽濼、哈達圖泊、

一統志、長鹽池、在旂南三十五里、游牧記葫蘆海、蒙古名席伯爾、在旂南九十里、卽榆林西河上源、古帝原水也、大鹽濼、一統志在旂東五十里、蒙古名特墨圖察罕池、哈達圖泊、一統志在旂東北三十里、接左翼後旂界、

右翼前旂界、在旂西北六十五里、接右翼中旂界、蒙古名察罕札達泊、又名莽蓋

